



羣玉山房文集卷之五

葵東許弘綱著男

嘉祐

孫欽堯訂梓

欽充

欽充

曾孫

荃

元孫

匡來

重輯

淳鈞

脩來

祭文

祭方伯盧公文

維

萬曆二十四年歲次丙申閏八月乙丑朔越十

有八日壬午眷晚生許某謹以牲帛醴齊黍盛
庶品致祭于大方伯懷翁老太公盧老先生之
靈曰國有耆碩是稱屋楹功施社稷澤被羣生
存有榮祿歿餘令名一身歸寄天下重輕公在
帝所乘雲御龍周遊八極憇于三峰太和呼吸
啾啾離離種花兩縣穆然條風爰相司馬諭威
九戎揭帷行部爲黃爲龔乃自監司晉而方岳
玉節金輅世榮若若稍復委蛇衛卿可繳直鈞
寒江遺纓如籀家有五龍咸疑其角緯武經文
芳聲焯爚伯也白着批鱗伏閣疾雷晝轟清霜

錯落繫植自天惟公家法猗歟休哉人亦有言
疇福有五惟公克全其更羸者多子而賢華祝
有三惟公實兼所希邁者美彰盛傳成然而寐
鬱然而藏官清之麓鳳翥龍翔靈輻載止百神
肅將諭是太卜奕世彌昌某小子世辱葭莩庶
幾黃耆示我型模夜臺遊扁彼蒼曷辜薄羞蒞
藻曰惟束芻尚饗

奠亡室丁孺人文

氣序流易時惟小祥追憶去年痛摧此日念別
 後之音容徒來夢寢探冥途之消息孰寄真詳
 主僕萍飄于萬里兒女天各乎一方爾嗚呼爾
 彌慘彌傷聊卽旅中薄陳微奠嗚呼我身則遙
 我心孔邇我服有盡我情無窮尚享

祭丁二尹文

維

萬曆二十四年歲次丙申閏八月乙丑朔越二十有八日壬辰封文林郎許少卿謹以牲帛醴齊粢盛庶品致祭於特贈大台柱警翁丁老父母之靈哭而言曰嗚呼公之辱在吳寧甫暮月耳澤有餘潤谷有餘糜齊民有所恃而不恐豪猾有所畏而不為譬如景星麗天望之不過徑寸而祥光之覆被者殆不可以數計而周知東人之在席我公者方如

赤子之依依慈母而公之尸祝於東人者且岡
陵松柏而綿綿乎宇宙以爲期公卽紆迴於棲
棘也何妨尺蠖之屈公而逍遙於哦松也自適
其適夫安往而不宜云乎一夢遽爾乘箕吁嗟
乎以三吳之玉佩瓊裾而斤斤太學之選以一
郡之和風甘雨而不滿及瓜之期具曰福善而
公位不終於二邑具曰壽仁而公齡竟阻於期
頤豈濁世之批糠將至人之屣脫耶抑東民之
無祿而天莫憖遺某作吏越在江省辱於令坦
文字雅知方幸公之嘉惠蓬門也視尋常而什

伯詎意公之忘情斯世也奄一去而莫余追生
芻一束灑淚總帷千載而下視此峴碑嗚呼尚
饗

祭甘中丞配吳夫人文

嗚呼廬山翼翼蠡澤滄滄其磅礴而汪洋者毓
之於仁賢而爲麟爲鳳其鬱蔥而激灑者鍾之
於女德而爲璧爲珍繫惟問氣實啓夫人象不
越咸恒而化行四國言不踰壺內而名滿朝紳
奉長秋之陰教相

天子之重臣中丞正色立朝而夫人和之以舉案
中丞素絲範俗而夫人和之以綦巾中丞濟濟
師師而夫人象之爲樛木中丞孜孜屹屹而夫
人象之爲采蘋方其丸熊斷機若嚴於胤子也

者而含飴以哺如姬之子則不啻已出方其垂
 珈服翟若不勝衣也者而當熊以脫中丞于險
 則奮不顧身故天下因夫人之賢而羨慕中丞
 刑于之化又因中丞之享有賢配而更祝夫人
 德蝦之純庶幾幕府清夷躋生靈於仁壽齊翁
 偕老綿鶴算於大椿云胡一疾遽轉法輪中丞
 疏引悲微紫宸嗟彼蒼之不慈乃赤子之不辰
 某誼聯世好恩重齊民兄推夫子嫂事夫人奉
 計音於草土倍感愴而酸辛束芻為藻谿澗之
 陳嗚呼電光石火弱草輕塵令名彤管千古如

新夫人自是不朽而中丞更有所以不朽夫人
 者余終以麻姑為幻德耀為真夫人其益為德
 於冥冥以協贊周南之化吳越且家尸戶祝詠
 螽斯麟趾之振振尚饗

祭松南葉老師文

維萬曆十七年歲次己丑八月丙子朔越有十
八日癸巳門生刑科給事中許某謹以牲帛庶
饗之儀致祭于明故鄉貢進士松南葉老師之
靈哭而言曰嗚呼死生寓也輕漚明沒于巨海
浮雲聚散于太空匪至人之玄矚疇原始而返
終惟師之才玄珠翠璧惟師之品赤虬蒼龍惟
師之儀祥麟威鳳惟師之志揭日奔虹歌鹿鳴
于早歲挾最勝之詞鋒頡頏伯仲奮翼南宮卽
金馬玉堂其餘事而何疑於鏡底之芙蓉乃劉

蕢易擲伯樂難逢璞三獻而未琢檻一夢而遽
凶文星石隕龍劔塵蒙天耶人耶真耶幻耶誰
能識師之去來而信逆旅之轉篷某藝遵殼率
質荷陶鎔淵源江漢噓拂春風憶信宿之步趨
尚克陪師以笑語乃倏忽而長逝不復挹師之
音容呼號相向莫知適從爰蒞藻以陳奠寄千
一之哀衷嗟乎嗟乎茫茫十方何處非容悠悠
生滅無垠無窮旅襯亦故園之堂闥而翛然以
去住也奚論蜉蝣與赤松况花發連枝行看獨
秀祥呈三鳳在河之東不盡之遺流光於積厚

公門之祚樹基而加墻卽千載鶴歸且逐清風
以笑傲而一朝羽化又何寄恨於寰中嗚呼尚
饗

祭先姑文

嗚呼姑之視某猶子而子也視家淑人諸女孫而女也姑歿而夫嬪宦於京欲視舍而不得姑葬而夫嬪宦于江之右欲執紼而無從歸既經年又相與哭吾父哭吾母煢煢朝夕不敢跬步越苫廬也昨歲杪一瞻馬鬣宿草荒矣夜臺既扁幽明永隔西州之慟何必羊曇所幸爲姑之子者方幹蠱以克家而素封日拓爲姑之孫者更崢嶸其頭角而玉樹叢生昌熾有期德音可嗣而一時泉室諸少畢從歿者有知尚堪戲綵

分甘救生人之樂雖云同穴何異同堂鶴馭周
遊尚亦西寧父母于湖山之陰訪兒嫂于紫薇
之舍乎幸從夢境一報相逢悠悠我思如此而
已不腆牲醴香楮之奠躬率妻子陳之几筵奉
始夫配尚饗

祭柳春沂年丈文

嗚呼長山奕奕激水淵淵鍾靈毓秀篤生哲人
評高月旦品重朝紳池草筆花藝林珍其架櫟
棠陰河潤侯甸荷其陶鈞英年獻賦李署游鱗
片言折獄度無冤民乃佐司空乃相司馬題柱
威名赫然白下朱幡翩翩紫綬若若露冕行春
雲間鶴鶴總帷旣撤熊軾載庚馳驅就熟皇路
砥平

帝方南顧念彼舊京汝其與治詰我戎兵龍旂
袞隼旗霓旌百城象指不令而行

帝固將蕃錫其儀用叶師中之吉民亦且同陵其
祝永歌樂只之章萱花遄謝風木彌傷岑岑二
豎遂據膏肓岱忽頽而安仰星遽隕而無芒豈
我葵之北辰而龍蛇其歲運抑至人之遐舉而
蟬蛻乎糝糠追惟當日六翮同搏誼均伯仲臭
踰芝蘭報國丹心素相期於白首裋身忠告更
相勗以加餐乃伯偃仲繼獨樹孤蟠舊壺遼邈
隣笛辛酸覩雛鳳之雛嗜雖爲刮目悵靈椿之
萎謝何地追歡束芻絮酒雨泣馮棺天風颯颯
助我永嘆嗚呼尚享

祭劉健菴督撫文

嗚呼秦雍故都山河四塞王佐帝臣挺生茲國
迄于昭代耆碩振振惟苞與趾爲鳳爲麟公在
朝紳夙稱冠冕一試花封德輝遠覽名司銓政
物望穹窿野無遺賢朝無曠工比貳清鄉飄然
滓澗豈乏陰翳何傷日月乃晉岡寺乃陟奉常
詩歌來牝史艷大章

帝曰休哉爾惟吉甫画戟朱旂以鎮畿輔公三奏
績闕闕與與王三錫命袞鳥遽遽誰不謂公中
興麟閣誰不羨公鯉庭龍躍茫茫大造不可度

思風雲旣和霜霽開之懸馬夜驚路人雨泣遺
碑峴山永言於邑

帝嗟良弼念及玄宮易名晉秩無憾始終惟茲世
局隱憂萬千老成凋謝孰濟時艱網在省垣荷
公推轂鄉寺翹翔晨昏追逐徑徑小諒公曾艱
然寸心相許金蘭愈堅以方後進一裂難紉公
其與我猶稱古人昔在疚中遠叨公恤何物一
官勉爲公出典刑遠邈箕尾莫招宦情壯志爲
公頓消嗚呼離別難矣况乎生死千里緘詞以
哭知已尚享

祭徐石樓年丈文

嗚呼長山翠峯激水澄泓間氣所值哲人挺生
惟公鳳雛九苞其羽覽德而翔夔龍接武南宮
之捷首試理人二方課績前無漢循召入諫垣
譏聲諤諤正笏垂紳豺狼膽落嗟嗟長孺豈薄
淮陽一麾藩臬抑而彌揚變魯變齊文衡筦轂
公於此時昌黎永叔分猷邢政總憲外臺公於
此時韋李之才晉而旬宣瓊膏薌澤公於此時
甘棠召伯帝天賚彌兆自法官錫之節鉞建牙
樹旆指麾電掣警效雲和鯨鯢遠跡海不揚波

八閩戴公式歌且舞清風穆如以頌吉甫維南
有箕忽哆其舌太清爲滓崑崗坐蒸公曰歸兮
飄然脫鞵衆共挽之久而得旨旣還初服其樂
于于香山路社郢曲吳歛惟彼蒼生幸公未老
爲楫爲霖中書累考胡公厭世遊返雲鄉鸞驂
鶴馭周遊八荒梁木其摧巖廊慘惻寶婺方輝
黯然失色某叨附驥久挹醇醲對碁蠟屐擬共
從容無情歲月乃在龍蛇人琴已矣我淚如麻
嗚呼死生懸解公復何櫻所恃不朽行且易名
矧是桂蘭庭階馥馥得全全昌如輪斯輻明月

在川白雲在天東芻絮酒公其颯然尚享

祭趙上乾主政文

翠屏崿嶸兩峴之東濬發惟公揮毫絢彩巨天
長虹延津之躍而髮方約為龍為光不可測度
猗惟謝庭纍纍若若如公少年秋空一鶚造舟
為梁歸自

帝鄉乘鸞奠雁錦屏繡裳曲江花使豸府仙郎入
佐司空清風穆穆

帝曰休哉爾才天祿典我文衡薪樵貴竹人文蔚
然韓歐並視仲子英英方歌鹿鳴太公儒碩青
鬢華纓艾而召客座滿銀笙得全全昌祥光若

葆以方眷山坡翁讓早以方燕山靈椿未老文
齊福齊渺無津涯豈其賜谷日輪遽歛玉樓趣
記于彼江濬昔爾來思東方千騎今爾來思西
風雙淚謂天忌公胡予之易謂天私公胡奪之
亟造化小兒以人爲戲惟俊乂之早凋憂邦家
之疹痺嗚呼公之前身瑤池列仙住世出世自
淺俗緣天固將以庭桂之後芳者奉太公之悠
久而以雙珠之近出者爲公之盛而傳公其乘
白雲而蹶躄復何論年弘綱潦倒辱在周親依
光炫耀聞笛酸辛東芻祭酒友生之陳尚享

祭張三陽親翁文

嗚呼東陽名郡山水故佳蔥蔥鬱鬱萃于仙華
聞人代出開國承家鳳雛丹穴神駒渥注公產
德門更推甲族亮節山凝高標蘭馥一奮圖南
羣飛斂伏幕敞芙蓉膏流種陸入曹西署題柱
盛名曾未席煖遽迄舊京舊京未幾歸尋舊盟
再起再告若止若行臣竇念母敢厭承明人之
視公天球鴻寶公之視官輕塵白草誰謂馮唐
惟憂用老旣相司馬日益飛騫

帝曰汝往叅我大藩公曰未也臣舌尚存政本之

地外議實繁摹稜委轡如鶴而軒

上所責成自在藩服臣所隱憂乃在輦轂豈必少年立談痛哭飄然一疏拂枕山阿丞相雖真莫可奈何改閩而楚用弔汨羅天扶社稷蚩霧倏開總憲百粵肅紀外臺墨吏解綬明珠復來京卿虛左三暮斗魁賢人之厄適際龍蛇溘焉已矣莫反義車嗟夫五父之衢衆皆疾趨而行于于虎之負嵎衆皆踟躕而捺其鬚不知者多以公爲拙卽知公而未盡者亦未嘗不私歎其迂要以吾行吾志而曾是升沉之介介吾順吾常

而又何修短之區區惟是秦雖連茹莽有伏戎亟需柱礎翼我棟隆而位不滿望壽匪大年雲龍矯矯委蛇重淵將使二三老成有云亡殄瘁之慘後生小子且耳食乎公之局曲務騁捷而爭先興言及此誰不嗚咽弘綱朋情金石姻好葭莩梅花庾嶺方慶齊驅公乃蘭折而我蕭敷嗚呼哀哉一別八年尚勞覓夢永隔千秋寧堪茲痛匪哭吾私爲天下慟憶公東去諄諄後昆我子半子我孫外孫爲我式穀毋俾破轅束芻三爵敬申是言庶其嗣服康公九原尚享

祭祝浩峰年丈文

嗚呼長山毓秀潑水鍾英篤生賢哲蔚爲國楹
易直子諒中和且平醜醜表其韻度珠玉肖其
神情詞林矯矯雲路錚錚由鳳池之華選樹豸
史之風稜入望桓驄而辟易出隨范轡以澄清
洮河之役名滿漢京 帝曰休哉爰錫西江之
繡斧民方後後恃爲南國之長城素旌遄返貝
錦俄成白日隱含沙之短晷夜光來止棘之青
蠅弟兄急難媿我友朋世方寃其市虎弓蛇將
上告而下訴公獨視爲虛舟飄瓦益無愠而無

營夷猶洛社寄傲麪生神翩翩其愈王守子子
其彌貞歲饑而指困以相卹俗譁而抱膝以毋
櫻野蒙膏雨里重德星彼忌公愛公適貽以二
十年之清福卽知我罪我正可俟千百世之公
訝謂天錫羨松鶴其齡云胡委蛻泰岳同傾嗚
呼痛哉沉寃終古寂寞夜臺帝子傷其永逝哲
人去而不來某情同金石迹邁形骸執紼引喪
不淺巨卿之誼擲琴長嘆獨深子敬之哀生芻
一束絮酒三杯河山黯淡弔鶴鳴呼痛哉
尚享

公奠蘇封翁文

昭華之玉厥生青丘徵材梗梓匡岳是求國有
寶臣蜚英樹特爰遡累基歸于父德瞻彼溫陵
鬱蔥霞穀名世篤生森如箭竹赫赫中丞鴻猷
盡代猗惟太公穹窿靈鸞龍潛弗躍鳳覽高翔
人欽楚諾座藹荀香閭闔隣霄恂恂僂偃厥羽
之儀爲衆父父中丞筮仕題柱漢宮含香浣袖
翁教之忠比賜玉麟循吏嚆矢象翁之慈視民
如子甘棠召伯山斗昌黎丕究翁蘊以普德施
袞衣章甫去之若濡曰臣有父萊綵是娛刺桐

花下石筍谿潛鶴鳴子和好爵爾縻詔起東山
輝輝卿月玉節金符出鎮吳越四履所至海波
不揚載歌載舞以樂舒長伊誰之賜太公之詒
祀河望海共祝維祺游被新綸允符三錫象服
熒煌鸞章灼燦如川如日胡不萬年家遺耽鶴
遠爾仙仙雲黯武夷風颺天目國失典刑民之
無祿某等分屬含孫情均喪考嗟嗟秦垣不遺
一老嗚呼乾坤泡影聖賢丘陵至人幻化極於
飛昇中丞壽翁何所不有翁有中丞自是不朽
虬驂在天龍光在阡東芻薦藻翁其駭然尚享

祭王太蒙年丈文

嗚呼洞天福地赤水丹山真人輩出玉笋成班
名世如公實惟間氣默象動爻文經武緯漢宮
題柱奕奕仙郎一麾出守麥秀漁陽比典文衡
昌黎山斗英蕩數新甘棠萬口賜履建牙仍彼
舊服吉甫清風至今穆穆公之別歷殆徧西江
西人戴公與江俱長禹功既奏進陟司空屹然
砥柱百川爲東

帝之倚公如魚得水人之歸公如買赴市宅揆計
日何難少留飄然敝屣歸尋故丘豪傑聖賢大

此篇在
前

卷之五
人赤子屈指千秋誰堪比擬才同謝傅品則過
之品同謝傅才復過之庶幾潛龍載飛載躍云
胡大椿遽爾凋落櫪馬宵驚路人兩泣贖以百
身嗟乎何及

帝思良弼備極追崇泰交晉錫禮絕羣工視履考
祥其旋元吉旣順且寧皎如白日惟茲世路益
復滔滔蝸蟻螻蟻宵旰爲勞凡諸後死並切杞
憂公雖羽化豈遂悠悠某叨同籍幸托同心蘭
馨金利母聞升沉計之乍聞病中弗信信而增
悲疾爲轉疾嗚呼道義雲天交情生死千里緘

詞以哭知己尚享

此篇在
後

祭徐觀我中丞文

嗚呼巧宦避趨兢兢顛蹶草腐木枯等閑銷歇
蓋臣殉國天植其衷丹青竹帛爛若明虹倚公
篤生資于上帝允武允文卓然名世循良異等
名與三銓衡平鑑朗百辟就誕滔天之淵障以
柱峴者耽耽而公栩栩

帝思謝傳詔起東山俎豆軍旅惟公別嫻賜履彤
庭至于巴蜀萬里錦江爲公添綠詎期合輿乃
車櫬槍窆偷人立妖鵬晝鳴公之存亡實關

宗社中外震驚豈惟櫪馬聞公啓行神常示異公

王山房集 卷之五
笑而前曾無避忌似茲剛大且地彌天乘箕獨
往豈不翩翩

王赫斯怒迅掃餘腥晉階延賞大嚼忠靈嗚呼
下營中同歸一死泰山鴻毛寧彼易此綱慚蕭
艾久挹蘭芳朋情國恤涕淚千行自奉計音經
年伏枕弱息奄奄節扶且躓絮酒絨詞爲公一
哭濟美有人公其瞑目尚享

祭蔡梅巖老師文

天啓丙寅夏六月太中大夫廣東叅政梅巖蔡
公以疾卒于家越明春而其門人許某始從南
京兵部尚書謝事歸聞訃哀號亟欲奔奠几筵
而力不逮乃絮酒束芻爲文而哭之曰嗚呼吾
師胡遽棄綱而長逝耶天之於公其保佑身名
也非不厚而富貴福澤之申錫也似尚慳胡爲
乎一疾而不痊嗟嗟公世人也實天人也夫紛
華靡麗之移人也賢者不免公以英年取上第
平步鳳池非有辛苦艱難之動忍也而蕭蕭寒

素人至目之爲蔡酸此之根器已軒軒乎玉井
之蓮故巡方之薦牘狄門之桃李也亦陸氏之
庄田而公所推轂終身不選一錢棄置歸來名
士且書空咄咄而親朋嘯咏松菊盤桓任數十
年之扁舟野渡而回頭軒冕藐若雲煙蓋公所
印證考千秋以後之公論而公所衣鉢者三
以上真銓不繼不磷剛大獨完嶺東之千金
而建橋也瓊島之隻身而航海也林棲之一塵
不到而容膝自安也友誼之泣鬼神貫金石而
死生不變顛沛不遷也皆公之所以愛遺名茨

名重彥方而至今與日爭妍乃若江陵之炎
赫也人人槐柳一朝銷歇萬矢爭攢公向來不
妄交半刺顧挺身震霆之下爲戍子而祈寬幾
罹不測坐致迤邐曰吾行吾意皇恤一官此豈
直今人所吐舌而縮首抑古人所遠跡而迴軀
嗟嗟世所惜公以公之未大用耳使公而無此
舉也焉知其不大用使公由此術而大用也焉
知其屑暝於九泉維岳所降乘箕而還生平之
吸露殮霞旣翩翩乎蓮葉舟中之太乙此際之
驂鸞駕鶴且飄飄乎玉皇前殿之書仙况借元

配攜冢子不浹辰而脫然羽化也亦何異乎拔
宅而鈞天嗚呼公之許可於人最慎公之知愛
於綱獨偏三年病榻百幅雲箋諄諄乎畸人之
視履佳胤之象賢死者復生生者不媿吾儕盍
相率而勉旃俾公颯然尚享

奠張太夫人文

於惟丹穴靈鳳所鍾不有聖善名世曷從吁嗟
太母肅雍天植維德其行式昭內極如川浩浩
如嶽隆隆孕珠璣玉篤生巨公公起詞林望隆
鼎鉉秉史鸞坡作師胄監再興秩宗再廸譽髦
譬之山斗不言推高中外望公臯夔旦說遡厥
慶源母訓則哲龍章申錫翟帔孔輝而公純孝
將母以歸膝下斑蘭載歡載舞鶴峙鸞停徜徉
西姥

天子有詔起公于家公也力辭母鬢寶華一朝之

養三公不易擬斂純禧胡返窀穸計聞

當宁悼茲夜臺殊恩異數生榮死哀某等謏劣辱
側杏墻公也教之母錫之光仰企令儀黃流玉
瓚倏聞考終興言永歎疇能不歿歿而猶生疇
不有子明世台衡惟生有涯惟名不朽以慰淑
靈靈昭假否嗚呼尚享

祭周寅所年丈太夫人文

緬嫺嫺之旣邈兮疇克嗣乎徽音繫太母之挺
生兮洵儷古而軼今毓靈氣于丹山兮濬赤水
之洪深爰發祥于華胄兮燭婺曜之下臨聿和
攸於周室兮濬赤對而委禽姜雝雝於在室兮
諧靜好之瑟琴章嬪順於中冓兮秉婉嫺而穆
情矢敬戒而靡違兮彌勤厲於織紉著母儀於
聖善兮式佑啓於保妊劑勞愛以顧復兮佐修
脯於紉鍼維詰嗣之丕承兮早奮步於詞林耀
太乙之藜光兮發中秘以討尋日啓沃於旃屨

卷之五
今戢交傲於良箴關泰道於堂簾兮情靡睽於
金鸞頌棧樸而作人兮快玉筍之鬱森聯鬼班
於八座兮適升華而駸駸徵輿望於枚卜兮式
簡在於

帝心執大斗而宅揆兮調元化以時樹祚昌明於
有永兮濡垓埏於傳霖斯寵嘉於慈誨兮賁天
語於球琳宜象服於山河兮裴鳳翟而貫華簪
期崇養於大年兮胡天命之靡謚忽振珮於天
風兮香鸞輶於遐霓嗟浮世之代變兮禪明陽
以玄陰惟榮名之不泯兮綿神理於靡侵稽姱

修於疇昔兮展思齊於太任常菲祿於盈成兮
日曳玉以紆金錫啗賻以異數兮膺恩澤之深
湛允榮生而哀死兮足幽愜於夙襟嗟某輩之
謏陋兮愧蹤跡之陸沉附少宰而同舉兮實淑
範其素欽觀壽母之考終兮哀傷盡而易禁聊
陳詞以告哀兮紛賈涕而如淋酌清醕而賚思
成兮惟靈爽之格歆尚享

祭姚通所太母文

昭華之玉厥生青丘徵材梗梓匡岳是求國有
 寶臣蜚英樹特爰遡累基歸于母德雲間之域
 上應斗華銀河清淺夙館神娃雲錦輟機暫遊
 人世仙侶塵緣式偕伉儷鹿門之隱冀野之賓
 肩棲雛鳳紱縮祥麟諫議翩翩早疏金籍花下
 鳴琴雲中飛鳥鏗錡芳韻何異景鍾陶之鑄之
 慈訓所從召入省垣有言無諱諫草爭傳洛陽
 紙貴猗歟山甫實補黃裳組之織之誨始北堂
 周道多岐淮陽汲直一笑抽簪飄然家食母曰

休哉爾其善養予飽尊鱸甘于熊掌板輿嬉遊
宮錦蹠躑垂珈翟服以娛大年善慶無央箕疇
畢斂海上煙波爲之漪灩胡爲瑤島青鳥遄迎
歸時來路遙指玉京嗚呼賢聖凋枯滄桑倚伏
物故忌盈陰恒縮胸千秋列女什九困衡誰如
太母壽考榮名皇路匪夷颯宸側席諫議登庸
朝寧待夕旂常日月臺閣風雲佇膺殊錫以康
太君某等夙奉母儀情均喪妣淚洒西風聊陳
哀誄夜觀婺女清影離離靈其不昧庶或鑒之
尚享

祭趙姑文

維萬曆二十九年歲次辛丑八月丙寅朔越二
十九日甲午通政使司左通政侄子許弘綱謹
以牲帛醴齊之奠致祭于先姑趙母許氏之靈
曰嗚呼姑母今辰七袞矣設悅之會易而縣旌
松柏之齡儕於蒲柳某將摘詞而祝耶捧觴而
壽耶賡南山而歌西極耶耳鐘鼓而日玄黃以
從諸賓後耶地維天紐終歸混沌夜半藏山或
負而走故養形者形而無形昭德者朽而不朽
姑在綠窗天孫競工中溫且惠以全孝友旣相

夫子曰惟雞鳴女中丈夫籍籍人口諸立愛而
能勞九熊畫灰不停厥手雖藁砧中背掌珠中
隕素封中落人皆委運于陽九乃托迹於人間
者六十有一年至今猶曰賢哉女賢哉嬾賢哉
母嗚呼火光泡影孰辨彭殤水月鏡花僅存好
醜古今淑媛或早世而留芳豈乏村姑乃齊眷
而皓首姑今之夕芝蓋雲幢鸞驂鶴偶偕我王
父與王母兮駕天風以翱翔乎九有此其視塵
世之浮生固已聶焉其若羈免焉其若垢若令
諸郎之行者質而文居者創而守蘭芽競茁藜

莠是鑣固不必更起姑於九原姑壽且綿綿乎
悠久願以是而祝姑爲姑一進七旬之酒尚享

祭母舅李怡亭公文

維萬曆二十九年歲次辛丑春二月丁亥大待
贈木香怡亭李公以疾卒于正寢越五月計聞
京師其甥通政使司右通政許弘綱時已奉使
江藩矣易服悲號倉皇就道比竣還里則爲
八月乙亥始克以牲帛醴齊卽柩前設奠哭而
言曰嗚呼舅父享年七十有八矣綱獲侍杖履
亦四十餘年所矣目不見有暴戾之色耳不聞
有叱咤之聲外不見有損人忤衆之事內不聞
有偏私狎暱之名世無賢愚望之而知爲長者

物無貴賤接之而驩若平生其名彥方其人處
子其居畏壘其俗市城謂眾難調則戶外之屨
常滿謂天易必則方寸之地可耕此在聖世之
明揚固宜加纁而束帛况以冢君之績學何難
暮鼎而朝牲乃著方輿而輒廢日未昃而遽傾
孰潔澆滌寢丘數畝孰親含殮芝蘭弱莖眼底
所遭已不堪其蕭瑟千載而下知誰為之汗青
嗚呼痛哉享乃無餘舅何所享盈乃多忌舅何
所盈豈天道之張弓彼昂而此抑抑昭氏之鼓
琴有虧而有成舅之視綱不啻如子綱之事舅

尚後諸甥戊戌之告行也諄諄於唵噉之薄適
日之相問也皇皇於節鉞之榮庶幾偕二人以
就養看黑鬢於繁羹而今已矣嗚呼痛哉念我
慈幃素隆天性暮年骨肉一姊一兄乃去歲而
哭吾姨今歲而又哭吾舅雁行中斷哀哀夜鳴
綱一體而通呼吸已不勝情况表兄以訪綱而
躡躡舅父以憶子而夢楹人非木石雙眼能晴
爰藉星槎憑棺一慟肅陳洞藻酌酒三行雅望
之相期者綱惟日黽勉以求副後事之相托者
綱且圖協力以經營舅其縣解逍遙玉京嗚呼

哀哉尚享

公擬祭松江郝二尊文

嗚呼死生寓也輕漚明沒於巨海浮雲聚散於
 太空匪至人之玄矚疇原始而反終惟公之才
 玄珠翠璧惟公之品赤虬蒼龍惟公之操素琴
 隻鶴惟公之政甘雨和風公之來也泛星槎于
 八月公之至也共三祝而呼嵩方期露賜金莖
 潤茂陵之司馬桃呈玉女見方朔之仙踪云胡
 俄傾星隕梵宮禪磬哽咽龍劍晦濛夢耶幻耶
 人誰能測公之來去而信逆旅之轉蓬某籍聯
 世講誼重協恭慨信宿之追隨尚克陪公以笑

語詎倏忽之長逝不復挹公之音容爰羞蘊藻
共寄哀悰吁嗟乎公其卽禪關而叩如來也必
且曰茫茫十方何處非客悠悠生滅無根無窮
則焉知旅櫬非故園之堂園而翛然以去住也
又何擇乎蟬蛸與赤松尚享

祭左年伯文

嗚呼鳳不乘軒維羽有章麟不服軛厥趾孔良
幽谷之芳處巉巖而自茂大鹵之潤興雲雨而
益張展如先生德何煌煌於國爲楨於宗則亢
稟東陲之靈秀緒左史之休光夙慧雖艱於穎
脫晚節仍侈于阜昌跡其潛心文苑跪足棘塲
屣貢籍以敦讓挾明經而用臧終躬承夫紫誥
復世衍乎青箱洵人倫之盛則徵天道之有常
若夫懷仁惻怛蹈義慷慨宣孟加惠于餓隸子
都推誠于客亡彼髡鉗兮如歸藉復璧兮善藏

踵解紛之飛兔愧操兵之外黃氣嶙峋以蓋日
節皎皚以凌霜在疏逖而蒙庥况族戚之相將
乃有綫宗危綴萍躡遙翔撫萎弱以成家挽衰
白而故鄉入因其資居授之養真善處人廢興
存亡之際而曲成其父子夫嬪之綱蓋先生孝
友自其天性而雍睦結爲肺腸伯也高峙季實
雙驥竟脫禍于犴戶亦流譽于鱣堂昔北海以
爭獄烈著叔則以推宇聲揚許武析箸以致美
田輝陽瘖以遜長彼皆萼附而相映或猶松喬
之未嘗孰如先生居庭甚康蘭玉充堦珂繡行

觴正作朋于三壽忽駢返于九閭嗚呼痛哉方
長公之司理江左簪筆帝傍敬獄遙稟夫懿訓
披鱗夙承乎義方蛻金緋其若遺賁于旄而相
望時則榻懸周繆薤拔任棠異陽鱗之迎綸笑
寒蟬之翳桑盡推赤以投人終抱素以徜徉是
以里祝畏壘羣悲斧坊望朱雁兮弗歸寧神芝
兮未遑聽輓音而泣然驚隣春之不相綱等幸
于長公忝附末行耀則聯乘庇則處囊挹太冲
之玄襟附丘明之藻湘久被夫周舉之推轂寧
難于角哀之併裝若翁之視惟均猶子之誼難

忘宛其奉諱淚自承睚咸知交于南徐寄刑範
于昌陽沂回風以忉憂睇大雲而徬皇聊因芻
束酌此椒漿指素旗以陳辭托丹慊之激昂鳴
呼哀哉尚享

祭張母毛太夫人文

三吳名勝雲間要津扶輿清淑萃止海滸其萃
崱而汪洋者毓之于仁賢而作霖作楫其鬱蔥
而激灑者鍾之于女德而爲璧爲珍猗歟間氣
實惟太君象不越咸恒而化行四國道不踰壺
闕而名滿朝紳兆集肩之雙鳳希繫紱之祥麟
泰階玉燭百里陽七綱等不及見太君之宜家
宜室而卜諸君侯之宜民宜人卽君侯之出入
戴星而知敬姜之素規勞逸卽君侯之吐哺白
屋而知陶母之剪髮嘉賓人以蒲鞭侯以蒲懸

得非平反有加飡之喜人以官富侯以官貧母
亦將遺有還鮮之嗔故東人因君侯之子我庶
民而賀太君之有子又因太君之爲衆母母而
祝養堂德嘏之純庶幾手詔慰存榮俞音國賜
詩命坐詫爲令聞云胡瑤島遠趣香輪君侯之
奉養十晨昏也向稱百順而今且計奔於噬指
也可任百辛嗟彼蒼之不憇乃赤子之不辰綱
等授塵恩渥喪妣哀均遙天一奠谿澗之陳鳴
呼大地山河終歸沙漠令名彤管千古如新太
君自是不朽而君侯更有所以爲不朽太君者人
終以麻姑爲幻尹母爲真太君其益爲德于冥
冥以佑啓賚良之彌東國且家尸戶祝而英賦
孫枝麟趾之振振尚享

祭岳父丁華南公文

維萬曆三十三年歲次乙巳正月初十日乙酉
王府典儀華南丁公以疾卒于家越二月十有
七日辛酉計聞京師督子順天府府尹許弘綱
始獲率甥男嘉祐設奠爲文南向而哭之曰嗚
呼岳翁何爲而遽棄綱耶翁之爲表願碩且豐
掀髯如戟炯炯雙瞳揚休山立吐氣成虹凡經
容接具羨仙風翁之爲質凝重端莊不隨不激
中朗外揚人曰詭遇我曰周行千里誦義依稀
彥方翁之家政渠孳森森以勞成愛以禮防淫

綱常侍側如履如臨發源植本旣固且深翁之
幹局卓哉無前錙銖不爽瞬息罔愆化行僮僕
井其若阡曰予孫子視此埴埴方翁之始田不
滿畦數椽之舍寧問魚與及翁季年江河斯挹
輻輳來如以成大業粟紅貫朽蘭芽桂榮宗推
祭酒鄉藉持衡旣聽錢鳴轉嫌地僻乃鳩百工
新居是闢翬飛鳥草燁然棟隆坐須七袞稱觴
厥中詎期一夢遽兆兩楹長庚西墜秦岱東傾
孰予之豐孰奪之速主人焉歸虛此華屋嗚呼
哀哉綱從垂髫辱在東床恩同諸子禮異王郎

日茲佳壻實我門楮建牙何地我儀從之庶幾
優游以娛余老誰謂斯哀泉臺徒抱嗚呼哀哉
綱年十六岳母西續三十有二繼我恭人滴淚
方乾窮愁尚結每上翁堂忽焉哽咽天胡不弔
凶恣蘊崇六日之內一舅一翁轍室何多降災
何壽悠悠穹蒼余將焉告他日歸來過公故宅
門巷依然幽明永隔雙林夜慘藉亭晝陰人非
木石誰不痛心嗚呼哀哉綱實不才萍踪飄泊
曠矣寒暄闕焉湯藥一尊遙奠千里憑棺些詞
未畢五內如刺嗚呼待足誰足有涯者生朽而

不朽所留者名太丘佳胤陶朱素封古稀之客
仙仙帝宮父存兒存兒歿父歿同歸玉京何憾
奄忽振振麟趾皆翁之遺以此誄翁翁其有知
尚享

祭金親母文

繫惟夫人瑤池列仙雲幢芝蓋來自九天伊誰
于歸貯之金屋繡轂香奩離離肅肅珩璜之範
沼沚之音宮闈姊姒如鼓瑟琴天錫全昌三十
其輻寶桂謝蘭齊芳競馥展也良人千秋名世
維帝賚之無煩占筮垣中奎璧池上鳳凰南宮
啓事譽滿望郎遊龍乍蟠困於螻螻伯寮肆朝
乃見君子

帝嘉清節召晉棘卿曰需一德作朕阿衡朝紳拱
聽如彼大鏞誰其相之夫人之共翟弗泮加

恩綸於赫兩國之封匪朝伊夕詎期仙侶故厭俗
緣驂鸞駕鶴倏爾翩然寶婺芒寒繡湖颺栗誰
謂花時頓成蕭瑟某等姻聯肺腑誼切葭莩臨
風洒淚銀海爲枯嗚呼他道無成太陰恒缺不
朽云何寧論存歿憶我先荆青年見背仰視天
人已同泰岱內則羹墻遺徽彤管不盡之留酌
而愈滿東芻絮酒侑以輓章神其不昧來格洋
洋尚享

辛亥京察宿院告夫

弘綱以扞罔罪臣蒙恩特拔告于先墓而來自
矢爲親報

國詰朝京察將之部佐計矣若以一毫私意庇
護人以一毫私意排陷人卽係不忠不孝天地
神明共殛之謹告

度庾嶺祭張曲江相公文

維神一人龍千秋臣鵠嫉邪秉正旣夙著于
朝端察吏安民肯獨遺于桑梓弘綱承乏二方
忽焉三稔自惟庸劣溺職負官然而正已率屬
早夜兢兢竊自矢諸天日而疏告諸聖明茲因
遷秩且得代東歸矣若任內行一毫昧心之事
受一文非義之財神其鑒之極之母俾生還故
土庶後吏有所創懲而地方永荷神庇尚饗

祭威靈胡公文

惟公二儀間氣百代精靈雷雨之動滿盈滅澤
既周於鄉國日月之光必炤肝鬲無間於幽明
民自不復報斯無斃茲當岳降之辰謹以牲醴
粢盛式陳明薦尚享

先考百歲祭文

氣序流易誕日復臨
劒化延津忽逾二紀
籌添海屋甫滿百齡
方深風木之悲曷效
岡陵之祝惟我考在
天之靈呼吸猶相感
格綱等瞻依之念永
言無異生存謹以剛
鬣柔毛棗盛庶品式
陳明薦肅上壽觴敢
請先妣配食嗚呼天
傾地缺誰留不壞之
身澤遠流光便是無
疆之壽所詒身範庭
訓耳目覩記如新綱
敢不率諸子弟夙夜
奉揚以壽二親於不
朽尚享

岳父華南丁公百歲祭文

嗚呼吾翁大歸于今三紀追惟嶽降已滿百齡
 計天上之逍遙與人間之桎梏應自星淵而夫
 妻子女並列仙班蘭葉孫枝英英玉立倘去來
 之一視何存沒之殊觀自茲以往百而八百積
 而萬八千年長夜悠悠亦復如是則翁之福祿
 榮名固與天地相為不朽也某猥憑餘庇幸踰
 八旬雖不及偕內子膝下稱觴猶幸及率兒孫
 堂前旅拜悲喜喜語不能宣謹以牲醴粢盛
 奉申薄奠尚享

祭禹南親翁文

緊惟賢喆誕自望宗世榮三鱣藻譽八龍相輝
花萼後先奮庸伯也鵲起獨抱時恫排雲闈闔
噓氣成虹恂恂叔子爲萬夫雄伊吾鳴劔天山
掛弓聯芳五桂白睂則公才肩賈傅齡妙終童
霜蹄一出冀北羣空荷衣旣綠絲幕方紅鄴中
維下共羨吳蒙比登仕籍益懋禔躬教先士習
政急民窮維揚木鐸三楚條風官無宿垢野有
熙工至今西江人懷司李至今滁郡人擬文忠
帝曰休哉爾來西署庶幾夙夜貫索虛中庭其巢

鵲穀且華熊胡天不憖溘焉告終德施靡究食
報未豐迢迢仙旆蕭蕭故宮三峰兩峴爲君晝
濛某父子夙荷悁悁朱陳瓜葛山水絲桐憑靈
一慟洒淚如潼嗟乎浮生泡影宦跡飄蓬令名
不朽曰德曰功孝無違色友不炫聰宅平而泰
履盛而冲甘棠蔽芾月旦殷克考祥元吉屈指
惟公望八之年不爲不壽五品之秩不爲不榮
遊神騎尾遺澤滴駿英英蘭蕙楚楚桂叢天其
大定而豈終悽嗚呼白頭青眼兒翁嬾翁香山
洛社吾誰適從東芻薦荔聊寫哀悰尚享

祭岳母許氏安人文

維萬曆十一年歲次癸未十一月己卯朔越二
十五日辛丑婿子許弘綱敢以庶羞牲帛之奠
致祭于岳母許氏安人之靈而言曰嗚呼安人
之壽今半百而以冥數計者十四春胡彼蒼之
未定乃仁壽之靡徵奇葩朝落明珠夜沉興言
遙祝有涕濱紛憶安人之淑質兮實毓秀於昭
仁惟忠惟孝嗣此家聲尚賢之遺有薇成夢南
陽之澤有杏如林憑茲世德是生淑人瑯函比
潤冰壺比清左儀右傳暮史朝經窈窕芳譽肅

雍令聞旣見君子曰唯雞鳴中溫且惠相與有成豈不自樹而胡早零嗚呼寸長尺短造物忌盈求爲可繼奚必于身彼閭閻之顛頓兮徒垂白於旦夕惟安人之餘慶兮乃垂裕於後昆斯時也澗蘋絕跡中饋虛矣良人之業如日之升瑤棗冷落雅韻稀矣繼室之淑如玉斯溫綠窗秀兮有楮在門斷機教兮有鳳在庭奇者愈出否者愈亨嗚呼大椿之壽壽以枝葉南山之壽壽以炳靈安人雖歿奚啻如存清虛爲府鸞鶴爲羣瓊池王母水宮玉英天長地久風清月明

敢以是爲安人壽尚來格而來歆尚享

卷之五



程